



Concello de Cervo

27891 CERVO (Lugo) - Tfno.: 982 55 77 77 - Fax: 982 55 77 29 - C.I.F.: P-2701300-B

CONVENIO DE COLABORACIÓN ENTRE O CONCELLO DE CERVO E A AAVV CERVO-SARGADELOS

En Cervo a 23 de decembro de 2019

De unha parte, Manuel Facal Dopazo con DNI 33.305.545 G, en calidade de presidente da AAVV Cervo-Sargadelos con NIF G27124718.

De outra parte, Alfonso Villares Bermúdez, en calidade de alcalde do Concello de Cervo, que actúa en nome e representación do mesmo en virtude das competencias recoñecidas polo artigo 21 da Lei Reguladora de Bases de Réxime Local.

EXPOÑEN

PRIMEIRO: Que as entidades locais, en canto administracións públicas, poden exercer a acción de fomento de actividades ou proxectos que sexan considerados de utilidade pública, interese social ou de promoción dunha actividade pública, mediante a concesión de subvencións, de conformidade co disposto polo artigo 2 da Lei 38/2003, Xeral de Subvencións (LXS).

SEGUNDO: Que o artigo 22.2.a) da Lei 38/2003 prevé a posibilidade de concesión directa das subvencións previstas nominativamente nos orzamentos das entidades locais, sendo o convenio o instrumento habitual para canalizar este tipo de subvencións.

TERCEIRO: Que a AAVV Cervo-Sargadelos participa en actividades veciñais e solicitou do Concello unha axuda económica para sufragar os gastos derivados das mesmas, gastos de funcionamento e gastos de mantemento do local social. Dita axuda está prevista nominativamente no orzamento do Concello para 2019 na aplicación orzamentaria 334.48924 por un importe de 4.000 €.

CUARTO: Que o Concello actúa en virtude das competencias atribuídas pola lexislación básica sobre réxime local nas materias de promoción da actividade veciñal.





Concello de Cervo

27891 CERVO (Lugo) - Tfno.: 982 55 77 77 - Fax: 982 55 77 29 - C.I.F.: P-2701300-B

En base ó anteriormente exposto, o Concello de Cervo e a AAVV Cervo-Sargadelos asinan o presente convenio de colaboración coas seguintes

CLAUSULAS

Primeira.- O presente convenio ten por obxecto regular a subvención finalista, prevista nominativamente nos presupostos do Concello para 2019 para colaborar no financiamento da actividade consistente na organización, coordinación e realización dos eventos necesarios para a celebración de actividades veciñais no ano 2019, gastos de funcionamento e gastos de mantemento do local social.

Segunda.- O Concello de Cervo aportará, en concepto de subvención nominativa, a cantidade de 4.000 € con cargo á partida 334.48924 á AAVV Cervo-Sargadelos para a realización das ditas actividades.

Terceira.- A AAVV Cervo-Sargadelos comprométese á organización e participación nas actividades veciñais, particularmente aqueles que teñan un beneficio para a comunidade, permitindo, en todo caso, a máxima participación veciñal en dita organización.

Así mesmo, a AAVV Cervo-Sargadelos comprométese a xustificar a realización das ditas actividades veciñais coa presentación dunha memoria explicativa das actividades realizadas. A xustificación dos gastos subvencionados realizarase mediante as correspondentes facturas orixinais ou copias compulsadas ata un importe do total do subvencionado no prazo máximo de 3 meses dende a notificación da concesión da subvención e, en todo caso, antes da fin do presente exercicio, así como a someterse ás actuacións de comprobación que poida acordar, no seu caso o órgano competente, e comunicar ó Concello a concesión de outras axudas que financien as actividades subvencionadas.

Cuarta.- Serán subvencionables todos aqueles gastos correntes de funcionamento da asociación e da organización das actividades veciñais que constitúen o obxecto da mesma, que sexan indispensables para o cumprimento da finalidade do mesmo.

Quinta.- O pagamento da subvención realizarase previa xustificación dos gastos de acordo co establecido na cláusula terceira.





Concello de Cervo

27891 CERVO (Lugo) - Tfno.: 982 55 77 77 - Fax: 982 55 77 29 - C.I.F.: P-2701300-B

Sexta.- A duración do presente convenio esténdese ata a completa realización dos eventos que constitúen o obxecto do mesmo e a actividade administrativa necesaria para a súa completa xustificación, sempre dentro do exercicio presupostario 2019. Ten carácter improrrogable e, en ningún caso poderá estenderse ao exercicio 2020.

Serán causas de resolución do presente convenio e darán lugar, no seu caso, á devolución das cantidades percibidas:

- O incumprimento de calquera das cláusulas establecidas no mesmo
- A aplicación dos fondos outorgados para fins distintos dos previstos no presente convenio
- A falta de xustificación da subvención concedida dentro do prazo de vixencia sinalado.

En proba de conformidade cos termos do convenio ámbalas partes asinan o presente convenio no lugar e data indicados no encabezamento.

O alcalde
Alfonso Villares Bermúdez

Presidente AAVV Cervo-Sargadelos

Manuel Facal Dopazo